

18.3.2026

lävtuttâsah staatâräädi asättâssân sâmi kielâ toimâttuvâst sehe staatâräädi asättâssân sâmitiggeest adelum asättâs koomeetmist: čuákánkiäsu vuáđustállâmmuštottemčalluin

1 Ääši tuáváš, asättâsadelemvääldih já valmâštállâm

Asättâs sâmitiggeest (1727/1995) lii adelum sâmitiggeest adelum laavâ (sâmitiggelaahâ, 974/1995) 16 já 43 § sehe sâmi kielâ kevttimist virgeomâhâin adelum laavâ (516/91) 21 já 29 § vuáđuld.

Maŋeláá säämi kielâlaahâ (1086/2003) lii komettâm sâmi kielâ kevttimist virgeomâhâin adelum laavâ, já ton 26 §:st asâttuvvoo sâmi kielâ toimâttuvâst. Säämi kielâlaavâ 26 § 2 moomeent mielđ sâmi kielâ toimâttuvâst asâttuvvoo tärhibeht staatâräädi asättâssâin.

Sâmitiggelaahâ nubástuttui 1.8.2025 vuáimán šoddâm nubástusâiguin (414/2025). Ulmen lâi suojâliđ já ovdediđ sâmmilij jiešmeridemvuoigâđvuodâ olášume sehe pyerediđ sâmmilij jieijâs kielân já kulttuurân kyeskee jiešhaldâšem já sâmitige toimâmmáhđulâšvuodâid. Uđâdem ohtâvuodâst iärrás lasseen nubástuttujii laahân kirjejum asättâsadelemvääldih. Sâmitige jiešhaaldâtlii sajaduv keežild lii vuáđustállum, et sâmitiigán kyeskee njuolgâdusah olášuttojeh lavvâin já sâmitige jieijâs tuhhiitem pargo-oornigáin. Asättâssâin vist sâmitige pargoin, organisaatiost tâi tooimâin ij lah hiäivulâš asättiđ. Ton keežild sâmitiggelaavâ 16 §:st já 43 §:st komettuvvojii vääldih asättiđ asättâssâin sâmitige toimâttuvâst já pargovievâst já adeliđ asättâssâin täärhib njuolgâdusâid sâmitiggeest adelum laavâ olášutmist (HE 100/2023 vp, s. 115). Ton lasseen sâmitiggelaavâ 4 §:st meddâlistui njuolgâdus, mon mielđ asättâssâst tâi ton lahtosist almostitto kárttâ päikkikuávlun raajijn.

Asättâs sâmitiggeest lii sâmitiggelaahân tohhum nubástusâi ooleest kománâm uásild toin naalijn, et tot lii vyeimist innig säämi kielâlaavâ vuáđuld. Vyeimist orroo uási asättâssâst kuáská sâmi kielâ toimâttâhân. Asättâs lii adelum ovdil tááláá vuáđu laavâ vuáimán šoddâm. Puátteevuodâst lii

Postiosoite
Postadress

Oikeusministeriö
PL 25
FI-00023 Valtioneuvosto
Finland

Käyntiosoite
Besöksadress

Meritullinkatu 10
00170 Helsinki
Finland

Puhelin
Telefon

0295 16001
Internat.
+358 295 16001

Faksi
Fax

09 160 67730
Internat.
+358 9 160 67730

S-posti, internet
E-post, internet

kirjaamo.om@gov.fi
www.oikeusministerio.fi
www.justitieministeriet.fi

taarbâšlâš asâttid staatâräädi asâttâssáin tuše sâmi kielâ toimâttuvâst, ige eres aašijn, main koččâmušâst leijee asâttâsâst lii asâttum.

Čielgâsvuodâ tiet iävtuttuvvoo, et asâttâs sâmitiggeest komettuvvoo já sâmi kielâ toimâttuvâst adeluvvoo uđđâ staatâräädi asâttâs. Komettemasâttâs já uđđâ asâttâs adeluuččij sierâ, tondiet ko uđđâ asâttâs adeluuččij tuše sâmi kielâ laavâ vuáđuld.

Äšši lii valmâštállum virgepargon riehtiministeriöst. Virgevalmâštállâm ohtâvuodâst lii savâstállum asâttâs nubástusâin sâmitiggijn.

2 Kuávdááh iävtuttâsah

2.1 Staatâräädi asâttâs sâmi kielâ toimâttuvâst

Uđđâ staatâräädi asâttâssáin asâttuuččij sâmi kielâ toimâttuvâst já ton pargoin. Toimâttuv pargoh pisoččii siämmán. Nubástussân tááláid njuolgâdussáid ličij tot, et asâttâsâst čujottuuččij sâmi kielâ laahân, mii lii komettâm sâmi kielâ kevttimist virgeomâháin adelum laavâ.

Táálái njuolgâdusâi miäldásávt asâttâsâst asâttuuččij meid tast, et maid avžuuttâsâid já ravvuid já almolijd kielâ tipšom vuáđu jurduid toimâttâh kolgâččij vâldid jurgâlemtoimâstis huámášumán. Tááláa ääigi sâmitiggeest adelum asâttâsâst čujottuvvoo ohtsâštave-eennâmlii sâmi kielâ lävdikode avžuuttâssáid já ravvuid. Uđđâ asâttâsâst čujottuuččij ohtsâštave-eennâmlii Sâmi kielâ kâldei, mii lii ive 2022 Suomâ, Ruotâ já Taažâ sâmitiigij oovtâst vuáđudem ohtsâštave-eennâmlâš äššitobdeeorgaan sâmi kielâid kyeskee aašijn.

2.2 Staatâräädi asâttâs sâmitiggeest adelum asâttâs koomeetmist

Iävtuttum staatâräädi asâttâs komettičij sâmitiggeest adelum asâttâs ollásávt. Asâttâs lii vyeimist innig toi oosij, ko tot lii adelum sâmi kielâ laavâ vuáđuld. Vyeimist orroo uási asâttâsâst kuáská sâmi kielâ toimâttâhân.

3 Kuávdááh vaiguttâsah

Sâmitiggeest adelum asâttâs komettem já uđđâ staatâräädi asâttâs adelem sâmi kielâ toimâttuvâst čielgâsmitáččij njuolgâdusâid. Asâttâs sâmitiggeest lii innig uásild vyeimist ige ovdâmerkkân ton nommâ västid ollásávt vyeimist orroo asâttâs siskáldâs. Siämmást njuolgâdusah puohtuuččii ääigi táásán lahâčuujoottimij já äššitobdeeorgaan tááhus. Sâmi kielâ toimâttuv pargoh iä iävtuttuu nubástuttemnáál, já nuuvtpa nubástusâst iä árvuštâlmij miel lah keevâtliih vaiguttâsah toimâttuv tooimân.

4 Vuáimán šoddâm

lävtuttâs mielđ asâttâs šadda vuáimán 11.6.2026.